



Gmejnska nowina Ralbicy - Róžant



34. lětnik / 12. wudaće
**Hamske łopjeno
smažnik 2023
05.06.2023**
www.ralbitz-rosenthal.de
gemeinde@ralbitz-rosenthal.de



Foto: Frank Šořta

Srjedź meje swjećachu Konječenjo a Šunowčenjo swój wjesny swjedzeń. Nimo wubědźowanja wohnjowych woborow a mejemjetanja přewjedže so tež koparski turněr wšelakich mustwow wjesnych dróhow.



Wobzamknjenja gmejskeje rady gmejny Ralbicy-Róžant

Na posedženju gmejskeje rady dnja 25.05.2023 su so scěhowace wobzamknjenja schwalili:

Wobzamknjenje č. 14-05/2023

Wobzamknjenje wo zwěsćenju lětneho wotličjenja 2016 gmejny Ralbicy-Róžant

Wobzamknjenje č. 15-05/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 04 – třechikryjerske džěla

Wobzamknjenje č. 16-05/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 08 – lift

Wobzamknjenje č. 17-05/2023

Wobzamknjenje k přepodaću planowanja za wupisanje nutřkowneho wuhotowanja/meblěrowanja

Wobzamknjenje č. 18-05/2023

Wobzamknjenje 1. změny „Wustawkow gmejny Ralbicy-Róžant wo wujasnjenju z rozšěrjenym skulojćenjom w zwisku wobtwarjeneho wjesneho džěla Róžant“

Wobzamknjenje č. 19-05/2023

Wobzamknjenje wudospołnjacych wustawkow gmejny Ralbicy-Róžant, wjesny džěl Róžant, ležownosć č. 601

Wobzamknjenje č. 20-05/2023

Wobzamknjenje wupołożenja wudospołnjacych wustawkow gmejny Ralbicy-Róžant, wjesny džěl Róžant, ležownosć č. 601

Wobzamknjenje č. 21-05/2023

Wobzamknjenje wo wupołożenju lisćiny za wólby přisydnikow za lěta 2024 do 2028

Wobzamknjenje č. 22-05/2023

Přiwzaće a posrědkowanje pjenježnych abo wěcných darow a podpěrow w hódnoće pod 1.000,00 eurami

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada možny.

Hubertus Ryčer, wjesnjanosta

<p>Rěčne hodžiny gmejskeho zarjada w Róžeńće: wutoru a štwórtk: 14.00–18.00 hodž.</p> <p>Rěčne hodžiny wjesnjanosty: štwórtk: 15.00–18.00 hodž. po dorěčenju</p> <p>Serbske wudaće gmejskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładze hospodarskeho plana, wobzamknjeného wot zapóslancow Sakskeho krajneho sejma sobu financuja.</p>	<p><u>Nuzowe čisła</u></p> <table border="1"><tr><td>milina</td><td>ENSO Netz GmbH 0351/50178881</td></tr><tr><td>woda</td><td>Ewag Kamenz 03578/377377</td></tr><tr><td>płun</td><td>EVSE Wittichenau 035725/7410</td></tr><tr><td>wopłóčki</td><td>AZV Am Klosterwasser 035796/96026</td></tr><tr><td>policija</td><td>110</td></tr><tr><td>nuzowy lékař / wohnjowa wobora</td><td>112</td></tr><tr><td>wohnjowa wobora Ralbicy</td><td>035796/850086</td></tr></table>	milina	ENSO Netz GmbH 0351/50178881	woda	Ewag Kamenz 03578/377377	płun	EVSE Wittichenau 035725/7410	wopłóčki	AZV Am Klosterwasser 035796/96026	policija	110	nuzowy lékař / wohnjowa wobora	112	wohnjowa wobora Ralbicy	035796/850086
milina	ENSO Netz GmbH 0351/50178881														
woda	Ewag Kamenz 03578/377377														
płun	EVSE Wittichenau 035725/7410														
wopłóčki	AZV Am Klosterwasser 035796/96026														
policija	110														
nuzowy lékař / wohnjowa wobora	112														
wohnjowa wobora Ralbicy	035796/850086														
<p>IMPRESUM – Gmejska nowina gmejny Ralbicy-Róžant Zamołwity: wjesnjanosta Hubertus Ryčer Gmejski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Towarstwa su za wobsah svojich stronow same zamołwite.</p>	<p>Redakciski kónc za wudaće pražnika 2023: 16.06.2023 Prošu zapodajće wšitke přinoški za nowinu z mejlku na: gmejska.nowina@gmx.de Online-wudaće gmejskeje nowiny pod: www.ralbitz-rosenthal.de</p>														

Přichodne posedženje gmejskeje rady gmejny Ralbicy-Róžant wotměje so štwórtk, dnja 22.06.2023 we 18.30 hodź. na gmejnskim zarjedže w Róžeńće. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so po potrebjce štwórtk, dnja 22.06.2023 we 18.00 hodź. na gmejnskim zarjedže w Róžeńće. Dnjowy porjad so přez městne wuwěški wozjewi.

Gratulujemy wšitkim rentnarkam a rentnarjam našeje gmejny k narodninam a přejemy krutu strowotu a Bože žohnowanje!



10. junija	Jan Čornak	Konjegy	85. narodniny
22. junija	Edeltrud Krječmarjowa	Łazk	85. narodniny
23. junija	Paul Wićaz	Konjegy	70. narodniny
25. junija	Marta Markowa	Sernjany	90. narodniny
25. junija	Magdalena Nowakowa	Róžant	70. narodniny

Tež wšitkim njemjenowanym narodninarjam přejemy wjele zboža, strowotu a wosobinske derjeměće.

Zjawny dohlad do lisćiny namjetow za wólby přisydnikow

Gmejska rada gmejny Ralbicy-Róžant je na swojim zjawnym posedženju dnja 25.05.2023 na zakładže dochadžaneju požadanjow wobzamknjenje za lisćinu namjetow za wólby přisydnikow 2023 za wobchodne lěta 2024 do 2028 za krajne sudnistwo Zhorjelc a za hamtske sudnistwo Kamjenc schwaliła.

Na wšitkich informaciskich taflach jednotliwych wsow gmejny Ralbicy-Róžant so w dobje wot 06.06.2023 hač do 16.06.2023 wozjewi, hdže a hdy so lisćina namjetow za wólby přisydnikow zjawnje wupoloži.

Hubertus Ryčer, wjesnjanosta

Zjawne wozjewjenje hospodarskeho plana 2023

Gmejna Ralbicy-Róžant je 13.04.2023 na zakładže § 74 gmejskeho porjada za Swobodny stat Sakska (SächsGemO) hospodarski plan za hospodarske lěto 2023 schwaliła.

Hospodarski plan so po wustawkach wozjewjenja za gmejnu Ralbicy-Róžant na informaciskich taflach gmejny w dobje wot 06.06.2023 do 16.06.2023 wupowěsnje.

Po § 76 wotr. 1 SächsGemO we wersiji z 01.01.2018 wuleži hospodarski plan za hospodarske lěto 2023 zjawnje za kóždeho w dobje wot 19.06.2023 do 28.06.2023 za čas zwučenych službných časow w zarjadniskim zwjazku „Při Klósterskej wodže“ w 01920 Pančicach-Kukowje, Póstowa 8.

Hubertus Ryčer, wjesnjanosta

**Připowědženje wozjewjenja wobzamknjenja wo zwěšćenju lětneho wotličenja 2016
kaž tež zjawneho wupołożenja lětneho wotličenja gmejny Ralbicy-Róžant na
zakładže § 88c wotr. 3 SächsGemO**

Na wšitkich informaciskich taflach jednotliwych wsow gmejny Ralbicy-Róžant so w dobje wot 29.06.2023 do 10.07.2023 lětné wotličenje 2016 zjawnje wozjewi.

Lětné wotličenje k 31.12.2016 z přislušnymi podložkami so trajnje zjawnje na gmejnskim zarjedže a w zarjadniskim zwjazku „Při Klóšterskej wodže“ w dobje wotewrjenskich časow k wobhladanju spřistupnja.

Hubertus Ryčer
wjesnjanosta

**Wozjewjenje k zjawnemu wupołożenju 1. změny wujasnjowacych wustawkow z
rozšěrjenym skulojćenjom gmejny Ralbicy-Róžant, wjesny dźěl Róžant**

Na wšitkich informaciskich taflach gmejny so w dobje wot 12.06.2023 do 27.06.2023 zjawne wupołożenje 1. změny wujasnjowacych wustawkow z rozšěrjenym skulojćenjom gmejny Ralbicy-Róžant, wjesny dźěl Róžant, wozjewi.

Hubertus Ryčer
wjesnjanosta

**Wozjewjenje k zjawnemu wupołożenju k wobdźělenju zjawnosće po § 34 wotr. 2
twarskeho zakonja (BauGB): wudospołnjace wustawki Ralbicy-Róžant, wjesny dźěl
Róžant, ležownosć č. 601**

Na wšitkich informaciskich taflach gmejny so w dobje wot 12.06.2023 do 27.06.2023 wozjewi, kak je zjawnosć po § 34 wotr. 2 twarskeho zakonja (BauGB): wudospołnjace wustawki Ralbicy-Róžant, wjesny dźěl Róžant, ležownosć č. 601, wobdźělena.

Hubertus Ryčer
wjesnjanosta

**Wozjewjenje personalnych a wěcných kóštow w dnjowych přebywanišćach
po SächsKitaG § 14 wotr. 2 za 2022**

Po sakskim zakoniku za dnjowe přebywanišća (SächsKitaG) § 14 wotr. 2 ma kóžda gmejna lětnje k 30. juniju naslědneho lěta přerězne personalne a wěcne kóšty, kotrež su za porjadne wobhospodarjenje dnjoweho přebywanišća trěbne, wob městno a po wašnju zarjadnišća z wobkedźbowanjom časa dohladowanja, jeho zestawje a kryća wudawkow zwěšćić a wozjewić.

Wozjewjenja so na informaciskich taflach za gmejnu Ralbicy-Róžant wot 15.06. do 27.06.2023 zjawnje wupowěsnu.

Hubertus Ryčer
wjesnjanosta

Zawrjenje zarjada za přizjewjenje, stawnistwa a přemysłowego zarjada

Zarjad za přizjewjenje je dla přestajenja programa wot 23.06.2023 hač do 30.06.2023 a stawnistwo kaž tež přemysłowy zarjad wot 27.06.2023 do 30.06.2023 zawrjeny. Skedźbnjamy na to, zo njewobsteji móžnosć wobdźělanja.

Stefan Anders
předsyda zarjadniskeho zwjazka

Dalše twarske naprawy za nowotwar dnjoweho přebywanišća w Ralbicach

Na posedženju gmejnskeje rady gmejny Ralbicy-Róžant 25. meje je so dalše přepodaće nadawkow za nowotwar dnjoweho přebywanišća w Ralbicach wobzamknyło. Scěhowacej nadawkaj stej so přepodať:

Lós 04 třechikryjerske džěla: wobzamknjenje č. 15-05/2023

Firma Meisterdach und Fassadenbau
Dresdener Str. 33a
01909 Großharthau

263.035,49 € (brutto)

Lós 08 Lift: wobzamknjenje č. 16-05/2023

Firma Schindler Aufzüge & Fahrtreppen GmbH Region Ost
Torgauer Str. 231
01347 Leipzig

46.445,22 € (brutto)

Přeprašenje na informaciske zarjadowanje k pućowanskim šćežkam gmejny

Dnja 13. junija we 18.00 hodź. su wšitcy zajimowani wjesnjenjo, kotřiž chcedza wutwarej syće pućowanskich šćežkow w gmejnje přinošować, wutrobnje do sydarnje gmejny w Róžeńće přeprašeni.



Zarjadowanje knižnych kamorow

Gmejna Ralbicy-Róžant planuje w juliju 2023 w busowymaj zastanišćomaj w Róžeńće a Sernjanach (twarskich přičin dla je tole jenož w tutymaj wjeskomaj móžno) knižne kamory zarjadować, hdžež móža wobydlerjo gmejny knihi zawostajíc resp. sej je k čitanju sobu wzać. Jeli chce něchtó za to kamor k dispoziciji stajíc, njech so prošu na gmejnje w Róžeńće (tel. 035796/96832) přizjewi.

Hubertus Ryćer
wjesnjanosta

Wukublanje w Šumbornje

Na službnym planje wjesneje wohnjoweje wobory Ralbicy bě za meju jako ćežišćo techniska pomoc zapisana. Dnja 13. meje buchu w Ralbicach zakłady za technisku pomoc sprosředkowane. Tydžeń na to podachmy so do Šumborna (Schönbrunn) k firmje Erichsen, kotraž jako předewzaće za wotwlečenje při njezbožach skóncowane jězdźidła wotstronja. Za nas bě firma jězdźidło k dispoziciji stajila, kotrež bu při njezbožu na awtodróze wobškodžene. Z tutym skóncowanym jězdźidłom móžachu kameradki a kameradojo pod realistiskimi wuměńjenjemi wuswobodženje wosoby zwučować.



Za našich nowych kameradow bě tole přeni króć, zo móžachu z hydrauliskim wuchowanskim nastrom zwučować. Wšitcy běchu sej přezjedni, zo maja so tajke realistiske zwučowanja wospjetować, zo bychmy w padže nuzy spěšnje a profesionelnje pomhać móhli.

Wulki džak słuša kameradomaj Měrcinej Zarjeńkej a Erickej Měrcinkej za organizowanje a přewjedženje jara wunošneho wukublanja.

Joachim Měrcink
(nawoda wjesneje wohnjoweje wobory Ralbicy)





pěstowarnja „dr. Jurij Mlynk“ w Ralbicach

Mejemjetanje 2023 w Ralbičanskej pěstowarni



Hižo na přenim kóncu tydženja w meji je w Ralbičanskej pěstowarni meja zaso padnyła. Ně, to njebě wulka nuza, ale jednorje dobry termin, zo by so wjele staršich, kubtarjow a pomocnikow, ale



tež džěci na podawku wobdžělic móhło. Po tym zo běchu maćerje swoje samopječene tykancy přinjesli, džesatki wyšeje šule z Ralbic swoje předawanišćo za piće natwarili a wšitcy so zesydali, móžeše so program na zahrodže kubłanišća započec. Spěwy a rejki wšelakich skupinow slědowachu, k tomu předstaji so staršiska přirada a po tym běše hižo tak daloko. Džewječ zmužitich hólcow smaleše za wjerškom meje. Najspěšniši běše Roman Woko z Róžanta, kiž wuzwoli sej susodku

Carlu Šnajdrec za swoju kralownu. Meja je padnyła, tola swjedžen wuklinča hač do zažneho wječora. Tak móžachu sej wšitcy, kiž mějachu zajim, wobrazy wšelakich projektow wobhladać, kiž nastachu w běhu lěta. Dale bě pječ stacijow w zahrodže za džěci a potom hišće šminkowanje a paslenje. Tak njebě nikomu wostudło.

Bjez pomocnych rukow kubtarjow, starši a dalších njeby tajki wjesoty džěcacy swjedžen móžny był.



Staršiska přirada pěstowarnje



ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Smažnik 2023
28. lětnik, 275. wudaće

Wopyt w sudnistwje

Spočatk měrca wopytachu šulerki a šulerjo 8. lětnika krajne sudnistwo w Budyšinje. Wězo dobrowólnje - bjez sudniskeho přeprošenja.

Z wučerjemi towaršnowědy, knjezom Kliemankom, knjezom

Zahrodnikom a knjeni Krječmanowej zetkach so wšitcy w Zejicach. Wottam jědźechu dale z busom do Budyšina. Tam přijěwši, postrowi knjez Lucas, sudnik jednanja, ekskursijowu skupinu. Prjedy hač so sudniski proces zahaji, dóstachu šulerki a šulerjo dohlad do jeho powołanja a ciwilneho procesa.

Jednanje w krótkim: Skóržbnik padny při zymskich wuměnjach ducy na džěto. Na to bě operacija ramjenja trěbna. Nětko žada sej narunanje škody a bólny pjenjez.

Koncentrowani sčěhowachu šulerki a šulerjo jednanje. Sudnik, zakitowar, skóržbnik, wobskorženy a pjeć swědkow běchu do cyłeho procesa zawjazani. Tež po 2,5 hodźinje njemóžeše so wusud tworić.

Po sudniskim jednanju mějachu šulerki a šulerjo hišće móžnosć, prašenja stajić. Wutrobny džak knjezej Lucasej, kotryž sej za našu ekskursijowu skupinu čas wza a nam swoje powołanje kaž tež sudniske jednanja rozkładže.

- Mathias Kliemank -



15. dzeń młodźinskeho nowinarstwa w Drježdźanach

Srjedu, 8. měrca, podachmy so na puć do Krajneho sejma w Drježdźanach. Što tam chcychmy?

Běchmy jako AGja šulska nowina na 15. dzeń młodźinskeho nowinarstwa

přeprašeni! Jako dojdžechmy sej do Krajneho sejma, buchmy hnydom přećelnje powitani a do rumnosće přewodzeni, hdžež so zhromadźichmy. Po krótkim času přidružichu so tež tamni šulerjo druhich šulow a rum běše spěšnje derje pjelnjeny. Kóždy dósta swójsku kartku z mjenom a noticny blok. Po tym zo bě kóždy městno namakať, powitachu nas hišće raz wšitkich zhromadnje. Sćehowaše krótka narěč, w kotrejž so nam zamołwići tutoho dnja předstajichu. Prjedy hač móžachmy so do dźěła dać, buchmy do dweju skupinow rozrjadowani.



W našej skupinje nawuknychmy jako přenje, kak ma so interview prawje wjesć, kotre prašenja měli so stajeć a kotre formulacije měli so radšo dospołnje wobeńć. Naposledk dyrbjachmy prašenja za interview z někotrymi politikarjemi wudžětać. Po wobjedže dóstachmy hišće priwatne wjedženje po Krajnym sejmje. W plenarnej žurli smy samo - kaž prawi politikarjo - maťu debatu wjedli. Naš tema: Měli so šulske znamki wotstronić? K tomu wudžětachmy sej w třoch mjeńšich skupinach argumenty. Přenja skupina zastupowaše argumenty za wotstronjenje, druha běše přećiwo tomu a třeća smědžeše sej swoju stronu wupytać. Tak přińdže k wulkej diskusiji wšitkich skupinow a facit: Znamki měli wostać.

Po tym bě skónčnje tak daloko. Džěchmy wšitcy hromadže wróco do žurle, w kotrejž čakachu hižo Sandra Gockel (CDU), Antje Feiks (Lěwica), dr. Claudia Maicher (Zeleni) a Sabine Friedel (SPD) na nas. Smědžachmy jim někotre prašenja stajić, kotrež potom wotmołwichu. Bohužel njemějachmy dosć časa za kóžde prašenje, ale běše zajimawe politikarkam připosłuchać.

Wutrobny džak za móžnosć wobdžělenja!

- tekst: Louisa Domanic, wobrazy: L. Pešmanowa, organizatorjo JPT 2023 -



Błudźenki ze Skandinawiskeje w Njeswaćidle

Spočatk meje steješe za rjadownju 10, hromadže z wučerjomaj kn. Kliemankom a kn. Wornarjom ekskursija w předmjeće geografija na wučbnym planje. Rjadownja zetka so w 7.30 hodź. w šuli. Po powučenju wjedžeše nas ekskursija do Małeho Holešowa. Cil běše rybarski dwór přirodnoškitneho zwjazka Njeswaćidła. Po puću zastachmy we Łomšćanskim lěsu při pomniku wotprawjeneho pólskeho nućenskeho džětaćerja. Dojěwši do Małeho Holešowa, powitachmy zamotwitych



projekta „póda“. We wobłuku tutoho projekta buchu wšelake temy wobjednawane. Zeznachmy na přikład wosebitosće pólnjeje a lěsneje pódy, zo ma wšelake funkcije a natwari počah mjez wegetaciju, wodu a čłowječim wužiwanjom. Přepytowachmy zestawy pódy a rozmołwjachmy so wo wuskutkach čłowječeho wužiwanja. Po wopyće w Małym Holešowje jědzachmy dale do Njeswaćidła k barokowemu hrodej. W skupinach wuskušowachmy (erkundschaften) šćežki lodoweje doby. Wosebje zajimawe bě prašenje, kak běchu błudźenki (Findlinge) ze Skandinawiskeje do Njeswaćidła dóšli. W parku roda nadeńdžechmy nimo toho wjace hač 35 błudźenkow, kotrež buchu z Kamjenjanskeje (Caminau) kaolinoweje jamy wuryte. Po wunošnym praktiskim džěle dojedžechmy sej do Nižeje Wsy k wobjedu.

Wutrobny džak za planowanje a přewjedženje ekskursije.

- Nadine Modschinjec -

INFORMACIJE – TERMINY – WŠELČIZNY

5. smažnika	sportowy swjedzeń
wot 12. do 29. smažnika	ertne pruwowanja
26. smažnika	ADAC 5. a 6. lětnik
27. smažnika	7. lětnik w Techniskich zběrkach
28. smažnika	pluwanski džěń w Porchowje
29. smažnika do 6. pražnika	praktikum za 8. a 9. lětnik
30. smažnika	wotchadnička w Šunowje



Nowy UNESCO - projekt

Póndźelu, dnja
24. apryla, podachu so
šulerki a šulerjo
wosmeho lětnika ze

Serbskeje wyšeje šule Ralbicy na

UNESCO-projekt „Sadženje štomow“. Projekt nawjedowachu lěsnišćo Smječkicy a wučerjej knjez Kliemank a knjez Wowčer. Po witanju hajnikow knjeza Petrika, knjeza Furchnera a knjeza Čornaka, kotřiž nam situaciju w farskim lěsu blisko Ralbic rozkładžechu, rozdźělichmy so do džěłowych skupinow. W tutym lěsnym wotrězku dyrbeješe so cyłkownje něhdže 1.500 štomikow na 1,5 hektarach wosadžeć. Naš zaměr bě 400 małych šiškowych dubow a hrabow za zalěsnjenje sadzić. Chójny buchu w poslednich lětach wosebje přez wětřiki, njewjedra, suchotu a přez škódnika „chójnowy krasnik“ wobškodžene. Informacije k prawemu postupowanju, hdže a kak maja so sadzić, dóstachmy wot knjeza Furchnera. Při tym nawuknychmy, zo ma so hrab pod dubom zaměstnić, dokelž trjeba chłódk. Tak dachmy so z počnym elanom do džěła. Někotři šulerjo točachu džěry, druzy pomhachu při natwarje škita sadženkow a dalši šulerjo při natwarje płota. Nadźijamy so, zo narostu zesadžane štomy derje. Džakuju za wulkotny projekt!

- Stephanie Metašec -



100 lět Sokol Ralbicy/Hórki

30.06.23–02.07.23

Pjatk, 30.06.23

16.30 hodź.: Koparski turněr bambinijow a testowa hra: Serbska wubranka (młodźina D) – Sokol Ralbicy/Hórki (młodźina D)

18.00 hodź.: Koparski turněr Starych knjezow wo pokal Serbskeho Sokola
- blidotenisowy turněr DJK Konjegy w sportowej hali
- witanje sportowych přečelow ze Spálenych Poříc

21.00 hodź.: mytowanje a po tym reje z Highlife-diskoteku

Sobotu, 01.07.23

9.00–11.15 hodź.: Koparski turněr młodźiny E

11.30–14.00 hodź.: Koparski turněr młodźiny D

14.30 hodź.: Sokol Ralbicy/Hórki (miks) – Spálené Poříči (2 x 30 mjeń.) a bičwolejbulowy turněr (přizjewjenja pola Haleny Jancyneje - 01525 9543754)

16.00 hodź.: turněr tradiciskich mustwow (Ralbicy, Njebjelčicy, Hórki)

18.00 hodź.: nyšpor před stadionom

19.23 hodź.: Sokołski bal (zarjadowanje z přeprošenymi hosćimi)

wot 21.00 hodź.: reje za wšěch z Highlife-diskoteku

Njedźelu, 02.07.23

wot 10.00 hodź.: rańše piwko ze Serbskim rozhlósom a live-hudźbu „Fünf an der Feier“, wobjed a rozžohnowanje čěskich přečelow

10.30–12.30 hodź.: turněr młodźiny F

13.30 hodź.–16.30 hodź.: turněr z třomi mustwami (Sokol Ralbicy/Hórki, Serbske mustwo a hišće jedne dalše mustwo)

17.00 hodź.: testowa hra Biskopičanske KT žony/perspektiwne mustwo

Na wšitkich dnjach mamy w Ralbicach skakanski hród, strett soccer-hrajnišćo, wrotowu scěnu (Torwand) kaž tež dalšu zaběru za džěći! Za lačnych a hłódných změjemy tež stajnje dobry wuběr!